



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Sacrosancti Nominis Iesu Cultus Et Miracula

Stengel, Carl

Augustae Vindelicorum, 1613

Propter sacrosanctum nomen Iesu SS. Apostolis & Martyres inuidiam, tam apud Iudæos, quam gentiles sustinuerunt, plurima tormenta sunt passi, ac mortem deniq[ue] ipsam sustinuerunt. Cap. 10.

[urn:nbn:de:hbz:466:1-49813](https://nbn-resolving.org/urn:nbn:de:hbz:466:1-49813)



ἀλεξίκακον est. in eo vno vera corporis, animiq; morborum continetur medicina.



PROPTER SACROSANCTVM  
NOMEN IESV SS. APOSTOLI ET  
Martyres inuidiã tãm apud Iudæos quã  
gentiles sustinuerunt, plurima tor-  
menta sunt passi, ac mortem  
denique ipsam sub-  
ierunt.

## CAPVT X.

Nomen  
IESV, in-  
uidiosum  
nomen  
infideli-  
bus.

Matth. 10.

Act. 26.

Acrosanctum nomen IESV, quod Apostolis  
potissimè commendatum est prædicandum,  
atque exaltandum super omnia alia Dei no-  
mina, factum est nomen inuidiosum, & odio-  
sum, tãm Iudæis, quã Tyrannis. Propterea enim per-  
sequebantur Iudæi Apostolos, & Tyranni martyres, quia  
prædicabant, & exaltabant nomen IESV, quod ipsis erat  
abominabile, & execrabile. Sic enim prædixit Christus  
Apostolis apud Matthæum. *Eritis odio omnibus homini-  
bus propter NOMEN meum.* Et Paulus in Actis Aposto-  
lorum loquens de seipso, quando erat Saulus persequu-  
tor Ecclesiæ dicit: *Ego quidem existimaeram, aduersum  
nomen IESV debere me multa contraria agere, quod & fe-  
ci Hierosolymis, &c.* Ideò enim persequebatur fideles, &  
in vincula conijciebat, quoniam inuocabant, atque ad-

ora-



orabant sanctum nomen IESV. Tyranni etiam nunquam persequebantur eos, qui inuocabant nomen Dei, aut nomen creatoris, aut nomen Domini. Qui verò apud illos inuocabant & venerabantur nomen IESV, statim experiebantur ludibria & verbera, insuper & vincula & carceres, ac denique mortes acerbissimas. Itaque potissimum negotium Iudæorum ac Tyrannorum erat, nomen IESV ab hominum memoria tollere, ac penitus extirpare: quemadmodum Dauid in spiritu prædixerat, inquiens: *Inimici mei dixerunt mala mihi, quando morietur, & peribit NOMEN eius?* Et Hieremias. *Eradamus eum de terra & iuentium, & NOMEN eius non memoretur amplius.* E contra verò potissimum negotium Apostolorum fuit, hoc sacratissimum nomen IESV, plusquam alia Dei nomina, prædicare per totum orbem, atque diffundere, ac testificari, non esse aliud nomen sub celo datum hominibus, in quo oporteat eos saluos fieri, nisi hoc sacratissimum nomen IESV. Pro cuius etiam nominis confessione parati erant multa pati, atque sanguinem fundere, quemadmodum de ipsis dicitur: *Ibant gaudentes à conspectu Concilij, quoniam digni habiti sunt pro nomine IESV contumeliam pati.* Et de Paulo gentium futuro Apostolo dixit Christus: *Ego ostendam illi, quanta oporteat eum pro NOMINE meo pati.* Propterea de hoc sacratissimo nomine IESV Dauid dixit: *Sanctum & terribile nomen eius.* *Sanctum* dicit propter eius excellentiam & maiestatem, aut propter virtutem sanctificandi animas, quam habet. *Terribile* verò simul vocat, quoniam in eius prædicatione atque confessione, necessum fuit sanguinem fundere Apostolos atque Martyres, & pati mortem, quæ terribilis est. Sed ad hæc omnia oportebat paratos esse sanctos confessores huius sancti nominis IESV, sicut & Paulus ad hæc omnia paratissimus, dicebat: *Non solum alligari, sed & mori paratus sum, propter nomen Domini IESV.* Vnde & in Apocalypsi S. Ioannes considerans in spiritu Iudæos, atque Tyrannos, qui Apostolos, &

Propter nomen IESV tyranni persequebantur fideles.

*Rsal. 40.*

*Hier. 11.*

Apostoli verò summo opere studebant extollere nomen IESV.

*Act. 4.*

Gaudebant pro illo pati.

*Act. 5.*

*Act. 9.*

*Psal. 98.*

*& 110.*

Cur nomen IESV sanctum pariter & terribile.

*Act. 21.*

*Apoc. 17.*



Confessores nominis IESV persequebantur, atque trucidabant, sub nomine mulieris meretricis magnæ, dixit: *Vidi mulierem ebriam de sanguine sanctorum, & de sanguine martyrum IESV.* Hæc enim erat insatiabilis Tyrannorum sitis & rabies fundendi sanguinem eorum, qui profitebantur nomen IESV: sicut è contra totum studium confessorum Christi erat, pro confessione & dilatatione nominis IESV omnia pati, sanguinem fundere,

atque animas ponere. Considerare verò oportet, quod S. Ioannes primò vocat eos *sanctos*, & postea vocat *martyres IESV*: quoniam qui volunt palmam martyrij obtinere à Christo pro confessione NOMINIS eius, prius oportet sint sancti, & sectatores, atque imitatores Christi (& vt D. Augustinus docet) *ita cunctis Saluatoris nostri legibus se deuinxisse, & propter anteacliam vitam mereantur ad hanc martyrij gloriam peruenire.*

Sed quid magnum in hac re efficiunt confessores Christi, cum ipsius sanguis, & sanctum nomen IESV, tam terribile sit contra demones & Tyrannos, & contra omnia genera tormentorum, ac deniq; contra ipsam mortem: & simul etiam fortitudinem ac robur conferat ad vincenda atque contemnenda omnia genera tentationum, omnesque persecutores, & (sicut D. Chrysostomus dicit) *hoc IESV nomen tum inferis, tum morbis & vitis terrori est.* Vnde Dauid dicit: *In NOMINE tuo spernemus insurgentes in nos:* & apertius S. Ioannes in Apocalypsi: *Ipsi vicerunt eum (draconem videlicet) propter sanguinem agni, & propter verbum testimonij sui.*

Vbi *verbum testimonij sui*, intelligi debet testimonium nominis IESV, iuxta quod capite primo dixerat. *Et testimonium IESV CHRISTI, &c. & cap. 19. Et fratrum tuorum habentium testimonium IESV.* Ait ergò sanctus Ioannes, martyres Christi, & confessores NOMINIS eius, superasse draconem, serpentem antiquum, & vicisse Tyrannos, eius ministros, in virtute sanguinis Christi, & sancti nominis IESV, in quo posuit Deus virtutem ac



terribilem fortitudinem contra omnes aduersarios, & hostes illius. Vnde & Solomon in prouerbijis dicit: *Turris fortissima NOMEN DOMINI ad ipsam currit iustus & exaltabitur.* Hoc est, in alto & tuto loco, seruabitur immunis à malo, tanquam in altissima quadam turri, atque in expugnabili, qualis est virtus nominis IESV. Et *exaltabitur*, dicit, quia in virtute sancti nominis IESV, victor euadet omnium tormentorum atque triumphabit, & martyrij palmam, atque coronam, in caelestibus obtinebit.

Quid plura? Prò Deum atque hominum fidem. Prò pudor, prò dolor, quanto prima illa Christianæ fidei radix, atque sanctissimi nominis IESV confessio, paganitatis, aut Iudaicæ superstitionis occasione, maduit sanguine? Quot Martyrum millia genuit? Quam acerbam & calamitosam pijs omnibus præbuit tempestatem? Quam mirè contrarij nauiculæ erant venti? Quam dirè rugiebat Boreas? Quot Christi ouiculas deuorauerunt lupi? Quantum sanguinis suxerunt immanes tigrides? Quæ platea? Quod rus non rubebat cruore apud Romanos, Græcos, Afros & Asianos?

Neque hîc Remi illius, aut Iulij Cæsaris cruorem fufum querimus, sed Sanctorum, qui templa Spiritus sancti fuere? Agedum, Clemens, Cletus, Anacletus, Euaristus, Alexander, Sixtus, Telesphorus, Higinus, Pius, Anicetus, Soterus, Eleutherius, Victor, Zepherinus, Calixtus, Urbanus, Pontianus, Antherus, Fabianus, Cornelius, Lucius, Stephanus, alijque è summis illis ac primis Pontificibus primi, quid molestiarum non tulere, dum paganitatis ipsius spinas euellentes, fidem initio plantant, in sterilissimo huius orbis horto, id est, in altis hominum pectoribus, sedemque Apostolicam indefessi tumentur, ac sacratissimum nomen IESV prædicant ac ubique diffundunt? Quanta diligentia euellebant cæci orbis errores, stuporemque crassum Dionysius Alexandrinus, & Hierosolymitanus, vterque Gregorius Neocæ-

sarien-

*Prout. 18.*

*Hadrian.*

*Hecquetius in*

*Peripetas.*

*argum.*

*infig. sub*

*tit. Apo-*

*dix fidei*

*& Euag.*

*In perfe-*

*cutione*

*nominis*

*IESV,*

*quanta*

*Ecclesia*

*Dei per-*

*tulerit.*

*Summi*

*Pontifi-*

*ces &*

*Martyres*

*S. Eccle-*

*sia Do-*

*ctores.*



Iriensis, Thaumaturgus, & Nazianzenus, Cyprianus,  
 Arnobius, Origenes, Methodius, Eusebius, Apollina-  
 rius, Victorinus, Hilarius, Iuuenecus, Athanasius, Euse-  
 bius Emiffenus, Theophilus Alexandrinus, Basilus, Pru-  
 dentius, Isidorus, Irenæus, Damasus, Palladius, Hiero-  
 nymus, Augustinus, Marius, Victor, Cyrillus, Fulgen-  
 tius, Gelasius, Faustinus, Olympiodorus, Oecumenius,  
 Genadius, Pachimeres? Quoties, inquam, sudarunt vi-  
 neæ tuæ cultores, ac sacratissimi NOMINIS tui con-  
 fessores, paterfamiliâs optime IESV? *Paulus plantauit,  
 Apollo rigauit; Deus autem incrementum dedit; Deus,*  
 1. Cor. 3. inquam, *qui dixit de tenebris lucem splendescere, & cuius  
 2. Cor. 4. est operarios in vineam mittere, constituereq; idoneos mini-  
 stros noui testamenti, non litera, sed spiritu:* Inter quos  
 alij Apostoli; alij nobiles in Apostolis, quibus Apostoli-  
 ca quædam gratia data fuit; alij Euangelistæ, alij Pasto-  
 res, alij Doctores. Quis teneat horum omnium insig-  
 nium cultorum catalogum manu scriptum? *Quis dinu-  
 meret multitudinem stellarum, quæ in perpetuas lucebunt  
 Pſal. 140. æternitates, iuxta Danielis Prophetæ vaticinium?  
 Dan. 3. Quis pluuia guttulas numeret? Quis vase etiam amplif-  
 Eccl. 1. simo metiatur, capiatque omnes diuinæ gratiæ guttas?  
 Rom. 10. Varij sunt nuntij, & internuntij & legati. Varia sunt  
 donaria: *Diues enim Deus est, in omnes, qui inuocant  
 illum.**

Sed ô dolor, ô lachrymæ; quam indomita nationum  
 barbaries? Cælestia illa summaque mysteria initio cape-  
 re non poterat. prædurior illa ætas, & ob id diuos Chri-  
 sti legatos crude iter trucidauit. Dic Roma, vbi Pauli  
 sanguis, quem fudit Neronis gladius? Vbi Petri crux &  
 carcer, aliorumque tot Martyrum cruores, quos olim  
 Martyres IESV Ro-  
 ma habet  
 Hieroso-  
 lyma. Gentiles diffudere tui? Vbi craticula illa, qua imma-  
 niter Laurentium discruciaſti? Hierosolyma quoque,  
 Matt. 27. vbi Iacobi Apostoli Episcopi tui corpusculum? Cur tot  
 Marc. 15. Euangelicos præcones, cur tot Prophetas, fera bellua  
 Luc. 23. dilaniaſti? Cur ô misera & ipsum Martyrum vnicum



decus, Dei filium IESVM Christum, orbis assertorem & sanctum Seruatorem, inter sceleratos medium cruci affixisti? Ut dictum verum sit illud Propheticum: *Facta est mihi hereditas mea, quasi Leo in sylua*, ait Dominus. Et vbi cacabus igne ac sulphure crepitans, quem \* Quiriaci paraueras?

Eia Constantinopolis Regum sedes, num & tu multorum Martyrum sanguine mergeris? Heus tu Lutetia, vbi Dionysij illius Arcopagitæ, discipulorumque eius cruor, quem, dum idololatria cæca furens, in ignotum Christum sæuis, truculenter exfluxisti? Colonia Agrippina, ciuitatum decus, cur eodem die vorauit portus Rheni tui vndecim Virginum Christi sponsarum millia? Id te inuita factum nõrunt omnes per Hunnorum, qui muros obsidebant tuos, furorem & vesaniam;

*Non pudet in teneras, miles scire puellas?*

*Bellica femineum non habet arma genus.*

*Proh dolor insanis nymphæ sunt prada Tyrannis,  
Virginis sæuo funditur ense cruor.*

Leodium, vbi Antistes ille tuus Lambertus quem modestum, innocentem & iustissimum lacerarunt impij fustibus & gladijs? Heus quoque tu dira, tu ferox Nicomedia, quibus te pinxero coloribus? Quo epitheto te verè digno incolas salutabo tuos? Vbi diui illius Adriani Christi militis venæ? Vbi nerui, manus, brachia, quæ omnia ferro immaniter contudisti ac discerpisti? Quanquam ille tamen te superior, quia Christi Philosophus, incudem, ferramenta, malleos, & enses tuos fortiter vicerit, imitatus Leonem illum, qui nimirum è tribu Iuda natus, mundum se superasse clamat. Adhæc, vbi Vincentij membra, quæ Datianus ipse eculeis, vngulis, acutioribus testis & laminulis ferreis dirè contorsit in te, ô Valentia? Proh dolor, quando te læserunt Faustinus & Iouita viri Christo sacri? dicitur Brixia Italiae oppidulum: Cur crepitanti foco, lampadibus que admotis, visa es exurere tenera amicorum Dei

*Ioan. 19.*

*Hier. 12.*

\* Alijs

Cyriaco,  
rectius.

Constantinopolis  
& Lutetia.

Colonia  
Agrippina.

Leodium

Nicomedia.

*Apocal. 5.*

*Ioan. 16.*

Valentia.

Brixia

Italiae

oppidulum.

late-



latera; nec hoc contenta, ausa quoque es ceruices horum & capita atroci gladio præcidere? O nefas.

Armenia.

Sebaste.

Prodi tu quoque Armenia, tu ipsa, inquam, etiam quadraginta numero Martyres eadem horâ varijs tormentis affectos è vitâ hac sustulisti. Vrbs Sebaste testis est, quæ iniurias vidit; neque dici possit, quot tormenta, quot cruces, quot furcas, gladios, virgas, fustes, ignes, pugiones, clauos, malleos, incudes, cacabos, iarragines, crates, funes compedes & carceres parauit Cacodæmon mendacij patronus aduersus veritatis testes, & sanctissimi nominis IESV confessores; vt taceam, quantum olei, sulphuris ac picis in hos truculentia vsus impenderit.

Augusta  
Vindelico-  
rum.

Sed nunquid silentio te præteribo, ô augusta vrbs Augustana, quæ ante mille trecentos & amplius annos, huius sanctissimi NOMINIS confessione maximè est illustrata, & multò augustior effecta, quam tum, cum Augustus augustissimo suo nomine te decorauit, & coloniam Romanorum esse iussit? Nam cum illustrissima tua Martyr & patrona Asia, iudici Gaio præsentata, se ipsam pro nomine IESV sacrificare velle, ingenuè confessâ esset, præter cetera tormenta ignis supplicium vna pertulit, hostia Deo facta, semetipsam sanctam atque immaculatam victimam exhibuit.

Aug. de  
ciu. lib 10.  
cap. 6.

Quamuis verò, D. Augustino teste, ipse homo Dei NOMINI consecratus, in quantum mundo moritur, & Deo viuat, sacrificium sit. Præcipuè tam n Martyres Hostiæ, Victimæ Holocausta, dicuntur. Si quis ergò vult erigi, & superbi re sancta superbia erigatur cum Apostolis, vt monet Hieronymus, quando dignus fuerit pro nomine IESV CHRISTI contumeliam pati, gloriatur cum Apostolo, qui exultabat in tribulationibus.

Sophon. 1.

Concludam hoc caput celeberrimâ D. Chryostomi sententia, vbi dicit: Quemadmodum hi, qui in bello regia signa circumferunt, et moris est, magnis laboribus indigent, & viribus, maximaq; peritiâ, et ne id hostibus

In Ep. 1.  
ad Tim.  
hom. 3.

pro-



prodat : ita & qui Christi NOMEN portant, non in bello solum, & verum etiam in pace, summis viribus indigent, ne id maledicis linguis exponant, sed id strenuè ferant & xillo crucis armati. Ingenti enim profecto opus est robore, & quis dignè portet Christi NOMEN. Nam qui indignum aliquid, & vel dixerit, & vel fecerit, aut etiam cogitauerit, Christi NOMEN non legitime portat, neque habet in semetipso Christum. Porro, qui id congruè portat, is profecto triumphat, non in foro, sed in caelis, omnesq; illi adstant angeli, circumdantes illum, atque admirantes. Hæc ille. Quando igitur iuxta sententiam Apostoli, necesse est, vt omnes, qui pie volunt viuere in Christo persecutionem patiantur; sed quis sustineret, nisi ille adiuuaret? Cum ergò nos in tribulatione protegit, cum ipsas aereas potestates arcet à nobis, ac repellit, quid aliud in hoc opere dici potest, nisi fortis? IESVM igitur fortitudinem nostram inuocemus, &c.

2. Tim. 3.



PROPTER SACROSANCTVM  
IESV NOMEN RELIGIOSI VIRI  
cuncta derelinquunt, & cen-  
tuplum recipiunt.

## CAPVT XI.

**R**ATER supradicta admirabilis est IESVS, id est, Saluator in salute afferenda hominibus, quia admirabiliter voluntatem impij hominis auertit, & conuertit. Auertit a peccato, a mundo, a voluptate, conuertit ad Deum,

IESV opus est, auertit voluntatis à peccato,

ad